

Ishonch

2019 йил 16 февраль • шанба • № 24 (4153)

Ўзбекистон қасаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: xatlar@ishonch-doverie.uz

КУН НАФАСИ



Давлатимиз раҳбари Шавкат Мирзиёев 15 февраль – Сербия давлатчилиги кунини муносабати билан Президент Александр Вучичга табрик йўллади.

Президент матбуот хизмати ***

Баҳодиржон Сидиқов «Ўзбекнефтгаз» акциядорлик жамияти бошқарувининг раиси этиб тайинланди.

xabar.uz ***

Бухоро шаҳрида I халқаро «Зиёрат туризми» форуми ўтказилди.

Ўзбекистон мусулмонлари идораси матбуот хизмати ***

Беларусь ва Ўзбекистон минтақалари форуми жорий йил июнь ойида бўлиб ўтиши режалаштирилмоқда.

podrobno.uz ***

Тошкент шаҳридаги Инха университетида «Inha» глобал таълим маркази очилди.

АКТ вазирлиги матбуот хизмати ***

Марказий Осиё баскетбол ассоциацияси (САВА)нинг штаб-квартираси Алмати шаҳридан Тошкент шаҳрига кўчирилди.

МОҚ матбуот хизмати ***

Тошкент шаҳрида шу йил 24 март кунини илк бор ярим марафон ўтказилди. Узунлиги 21 км. 097,5 метр бўлган югуриш мусобақасида 15 ва ундан юқори ёшдагилар қатнашиши мумкин.

Тошкент шаҳар ҳокимлиги матбуот хизмати ***

2019 йил апрел ойида Ўзбекистон – Исроил агрофоруми ўтказилди.

Қишлоқ хўжалиги вазирлиги матбуот хизмати ***

Бўстонлик туманида ҳаваскор спортчи ёшлар ўртасида илк маротаба «Chimganchallenge» қишқи спорт турлари бўйича Ёшлар фестивали ўтказилди.

uza.uz ***

Тошкент халқаро аэропортида сайёҳларга хизмат кўрсатиш учун замонавий ахборот масканларини (tourist service centre) ташкил этиш ишлари бошланди.

Туризмни ривожлантириш давлат қўмитаси матбуот хизмати ***

Юртимиз фермер хўжаликлари раҳбарлари жорий йил 19-22 март кунлари Испаниянинг Сарагоса шаҳрида бўлиб ўтадиган «Figan-2019» халқаро кўرғазмасида иштирок этиш учун тайёргарлик кўришмоқда.

uza.uz ***

Латвия Ўзбекистонга «Тошкент – Рига» йўналишида мунтазам темир йўл контейнер қатновини йўлга қўйишни таклиф этди.

dagyo.uz ***

Тошкентда Мудофаа вазирлиги Ахборот-коммуникация технологиялари ва алоқа ҳарбий институти жойлашган ҳарбий шаҳарча қурилади.

xabar.uz ***

2019 йил 15 февраль кунини Ўзбекистон Республикаси Олий Мажлиси Сенати Кенгазининг мажлиси бўлиб ўтди.

Олий Мажлис Сенатининг Ахборот хизмати ***

Тошкентда Ўзбекистон Республикаси энергетика вазири Алишер Султоновнинг Туркия энергетика ва табиий ресурслар вазири ўринбосари Митхат Жансиз бошчилигидаги Туркия делегацияси билан учрашуви бўлиб ўтди.

«Ўзатом» агентлиги матбуот хизмати ***

Қувайтнинг «Alshaya Group» компанияси Ўзбекистонда меҳмонхона бизнеси билан шуғулланишга қизиқиш билдирмоқда. Хорижий компания яқин кунларда Тошкент шаҳридаги «Ўзбекистон» меҳмонхонасида бўлган давлат улushiни сотиб олиши мумкин.

kun.uz ***

Хавфсизлик бўйича Мюнхен конференциясида иштирок этаётган Ўзбекистон Республикаси ташқи ишлар вазири Абдулазиз Комилов бошчилигидаги делегация 2019 йилнинг 14 февраль кунини Афғонистон Ислоҳ Республикаси Президенти Муҳаммад Ашраф Ғани билан учрашди.

ТИВ Матбуот хизмати ***

Ўзбекистон соғлиқни сақлаш вазири Алишер Шодмонов ва Туркия соғлиқни сақлаш вазири Фахруддин Қовжа ўртасида Истанбул шаҳрида бўлиб ўтган учрашувида ўзаро ҳамкорликни янада кенгайтиришга қаратилган «Йўл харитаси» имзоланди ва Тошкентда ўзбек-турк тиббиёт форумини ўтказишга келишиб олинди.

Ўзбекистон Соғлиқни сақлаш вазирлиги ахборот хизмати ***

Олий Мажлис Қонунчилик палатасининг навбатдаги мажлисида депутатлар Олий Мажлисининг Инсон ҳуқуқлари бўйича вакили (Омбудсман)нинг 2018 йилдаги фаолияти тўғрисидаги ҳисоботини эшитдилар.

Қонунчилик палатаси матбуот хизмати ***



Навоий вилояти

Йилига 3 000 000 дона маҳсулот

Навоий вилоятида тадбиркорликни ривожлантириш, бизнес субъектлари ташаббусларини амалга ошириш учун қўлай муҳит яратишга алоҳида эътибор қаратилаётгани самарасида ҳудуднинг ишлаб чиқариш салоҳияти ортиб, аҳоли бандлиги таъминланмоқда.




Сирож АСЛОНОВ, ЎЗА мухбири

Конимех туманидаги тикув-трикотаж маҳсулотлари ишлаб чиқаришга ихтисослашган «Конимехтех» МЧЖ ички бозорни юқори сифатли маҳаллий тўқимачилик маҳ-

сулотлари билан таъминлашга ҳисса қўшмоқда. 2018 йил фаолият бошлаган корхона йилига 3 миллион дона маҳсулот ишлаб чиқариш қувватига эга. Бу ерда

меҳнат қилаётган 107 нафар ишчи-ходимнинг аксарияти хотин-қизлар ва коллеж битирувчиларидир.



Самарқанд вилояти

«Кўчаётган муз»

ёхуд Қўшрабат шифокорларни чорламоқда

Бугун Қўшрабат туманида 10 минг нафар аҳолига битта шифокор ўрни тўғри келмоқда. Айни чоғда 286 нафар врач ўдаллаши лозим бўлган вазифани 127 нафар шифокор эплаб турибди. 101,25 та шифокор штат бирлиги эса бўш турибди. Хўш, қўшрабатлик ёшлар шифокорликка қизиқмайди? Ёки бу ачинарли ҳолатнинг бошқа сабаблари ҳам борми?

МУТАНОСИБЛИК ЙЎЛИДА

– Нафақат бемор, балки шифокорга ҳам етарли шарт-шароит зарур, – дейди Қўшрабат тумани тиббиёт бирлашмасини бошқараётганига кўп вақт бўлмаган Баҳром Эгамназаров. – Қишлоқ врачлик пунктлари тугул 240 қатновга мўлжалланган кўп тармоқли марказий поликлиника, 230 ўринли марказий шифохона ҳам абгор ҳолга келиб қолган экан. Шу боис, ишни шарт-шароитни яхшилашдан бошланди. Дастлаб марказий шифохонанинг фасадни тартибга солинди. Қурилгандан буён бир кун ҳам ёлғиз ишламаган истииш тизимини таъмирлаш учун 1 миллиард 700 миллион сўмлик маблағ сарфланди. Энди узоқ йиллардан бери ишлаётган канализация тармоғини янгилаш ҳаракатидами.

3 >

Брифинг

Тўқимачилик саноати тараққиёт босқичига чиқмоқда

Президентимизнинг 2019 йил 12 февралдаги «Тўқимачилик ва тикув-трикотаж саноатини ислоҳ қилишни янада чуқурлаштириш ва унинг экспорт салоҳиятини кенгайтириш чора-тадбирлари тўғрисида»ги қарори соҳани ривожлантириш йўлида муҳим қарор бўлди.

Маъмурият ҳужжат билан қандай ислохотлар амалга оширилади? Соҳада ечимини кутаётган муаммолар бартараф этилмоқдами? Тараққиёт учун қандай лойиҳалар амалиётга татиб этилмоқда?

Адлия вазирлигида ўтказилган «Адлия ахбороти» номли брифинг ва матбуот анжуманида «Ўзтўқимачиликсаноат» уюшмаси

бўлим бошлиғи Анвар Қораев ана шу саволга жавоб берди.

ЯНГИЛИКЛАР НИМАЛРДАН ИБОРАТ?

Мутахассиснинг таъкидлашича, 2019 йил 1 апрелдан 2019-2021 йилларда маҳсулотнинг камида 80 фоизини экспорт қиладиган тикув-трикотаж корхоналарининг кредитларини тўлаш харажатлари Тадбиркор-

лик фаолиятини ривожлантиришни қўллаб-қувватлаш давлат жамғармаси ҳисобидан қуйидаги тартибда қопланади: миллий валютада бериладиган кредитлар бўйича белгиланган фойз ставкасининг 25 фоизи миқдорига, хорижий валютада бериладиган кредитлар бўйича фойз ставкасининг 50 фоизи миқдорига, ноль ставкасини қўллаган ҳолда вужудга келган қўшилган қиймат со-

ликнинг қайтариш учун зарур бўлган ҳужжатлар тўлиқ тақдим этилган кундан эътиборан 7 иш куни давомида солиқ тўловчига қайтарилади. Биржа савдолари орқали пахта толасини сотиб олишда қатъий талаб қилинадиган банк кафолатлари бекор қилинди.

ҚҚС ҚАНДАЙ ҲИСОБЛАНАДИ?

2019 йил ҳосилидан пахтани сотиб олишда қўшилган қиймат солиғи амалдаги сотиш нархидан келиб чиқиб ҳисобланади. Тадбиркорлик субъектларининг товар айланмасидан вужудга келган ноль ставкадаги қўшилган қиймат солиғини корхоналарга қайтариш тўғрисида тақдим

қилган аризаларини қабул қилиш бўйича автоматлаштирилган дастур ишлаб чиқилади.

ЭКСПОРТ ОШАДИ(МИ)?

2025 йилга қадар тўқимачилик маҳсулотлари экспортини 7 млрд. АҚШ долларига етказишни назарда тутувчи «2019 – 2025 йиллар давомида тўқимачилик ва тикув-трикотаж саноатини жадал ривожлантириш Концепцияси» ишлаб чиқилиши белгиланди.

Қарорга кўра, тўқимачилик ва тикув-трикотаж саноати корхоналарининг ягона ахборот портали яратилади.

Муқаддас РАЗЗОҚОВА, «Ishonch» мухбири

Дехлида Бобур номли фонд филиали очилади

Анджон шаҳрида Заҳириддин Муҳаммад Бобур таваллудининг 536 йиллигига бағишлаб ўтказилган халқаро илмий-амалий конференцияда Ҳиндистоннинг Дехли шаҳрида Бобур номли халқаро жамоат фондининг филиалини очиб тўғрисида меморандум имзоланди. Унга Рангпур марказий кутубхонаси раҳбари Саид Аббос Нақи раис этиб тайинланди.

Тадбирда Ҳиндистон, Афғонистон, Бангладеш ҳамда Қирғизистондан ташриф буюрган олимлар, тадқиқотчилар, шоир ва ёзувчилар шох ва саркарда Заҳириддин Муҳаммад Бобур ҳаёти ва ижодига оид тадқиқот намуналари билан танишдилар.

Анжуман доирасида Бобур халқаро илмий экспедициясининг Қирғизистон ва Ҳиндистон давлатларида уюштирган сафарлари натижалари тўғрисида ахборот берилди.

– Халқаро экспедиция саъй-ҳаракатлари билан топилган Бобур ҳаёти ва ижодига оид манбалар денгиздан томчидир, – дейди Тошкентдаги Ҳиндистон маданий маркази раҳбари, профессор Чандра Шекхар. – Ишонманки, Ҳинд дийёрининг ҳар бир шаҳрида, қишлоғида ва кўп-кўп кутубхоналарда ҳали аниқланмаган юзлаб ноёб топилмалар ётибди. Мен ўзим билан шоир Шайдо қаламига мансуб китоблардан олиб келдим. Уларда нафақат Бобур, балки Алишер Навоий ҳақида ҳам қимматли маълумотлар бор.

Бангладеш Халқ Республикасининг Ўзбекистондаги факулдада ва муҳтор элчиси Масъуд Маннон ўз мамлакатиде ҳам Бобур номли халқаро фондининг филиалини очиб тақлифини билдирди.

Конференцияда Бобур адабий меросини тадқиқ қилиш борасидаги саъй-ҳаракатлари учун бир гуруҳ шоир ва олимлар тақдирлов ёрликлари билан мукофотланди.

Нурилла НҲЪМОНОВ, «Ishonch» мухбири

Ishonch.uz:

«Матбуот бонг уради!»



ЎЗГАРИШЛАР НАТИЖАСИ ХОТИН-КИЗЛАР ҲАЁТИДА АКС ЭТАПТИМИ?



КЕЧА ҚУРИЛГАН БИНО БУТУН БУЗИЛДИ, НЕГА?



ЁРДАМГА МУҲТОЖ ШИФОХОНА



ҲОКИМ ҚАРОРИ ҚАЧОН ЧИҚАДИ?



КИМ КИМГА ҲАВАС ҚИЛЯПТИ?



Эртасини ўйлаган эл

Президентимизнинг «Етим болалар ва ота-онасининг қарамоғидан маҳрум бўлган болаларни ижтимоий ҳимоя қилишни кучайтиришга оид қўшимча чора-тадбирлар тўғрисида»ги қарори жамиятимиздаги кўплаб муаммолар ечими учун дастуриламал вазифасини ўтайди.

Хужжатга кўра, мамлакатимизда қийин ҳаётий вазиятдаги оилаларни қўллаб-қувватлаш тизими кучайтирилиб, болаларни васий (ҳомий) оилаларга, тутинган оилаларга бериш тизими такомиллаштирилмоқда. Бу, энг аввало, ижтимоий етимликнинг олдини олишда кўл келади.

Яна бир жиҳат. Қарорга кўра, «Меҳрибонлик» уйларида тарбиялаш амалиёти босқичма-босқич камайитирилади. Мухими, 2019 – 2023 йилларда «Меҳрибонлик» уйлари неинституционаллаштириш дастурини ишлаб чиқиш белгиланмоқда. Ўз навбатида, оила институтини мустаҳкамлаш, ижтимоий етимликнинг олдини олиш, шунингдек, «Меҳрибонлик» уйлари

босқичма-босқич кам комплектли болалар шаҳарчаларига ҳамда ижтимоий муассасаларнинг бошқа муқобил шаклларига ўтказиш кўзда тутилган. Бундан ташқари, «Ишонч телефони» орқали етим болалар ва ота-онаси қарамоғидан маҳрум бўлган болаларга ёрдам кўрсатиш тизими ташкил этилади, уларнинг ҳуқуқлари таъминланади.

Бундан кейин етим болалар ва ота-онаси қарамоғидан маҳрум бўлган болалар билан тизимли ишлар олиб борилади. Жумладан, қарорга мувофиқ етим болалар ва ота-онаси қарамоғидан маҳрум бўлган болаларни ҳимоя қилишни кучайтириш бўйича «Йўл харитаси» тасдиқланди. Болаларни тарбиялаш учун оилага қабул қилаётган (патронат) васий ва ҳомийликка номзодларни, фарзандликка олаётганлар ва оилавий болалар уйлари тарбияловчи ота-оналарини танлаш ҳамда кузатиб бориш тизими такомиллаштирилади.

Таълим даргоҳларида таълим-тарбия жараёни қанчалик мукамал таъминланмасин бу ерда болалар ўз яқинлари билан барқарор эмоционал илиқ муносабатларни ўрнатиш эҳтиёжини қондира олмайди. Демак, улар би-



лан оилалар ўртасида мустаҳкам муносабат ўрнатилиши эзгу ишларнинг самарадор бўлишига имкон яратади.

Сирафини айтганда, бугун юртимизда ҳар бир ўғил-қиз меҳр ва эътибордан баҳраманд. Эртаси ўйланган оилада фарзанд тарбияси асосий вазифа сифатида туради. Давлат миқёсида унга эътибор қаратилиши эса бу жамиятнинг ютуғидир. Демакки, эртасини ўйлаган халқнинг, давлатнинг бугуни-ю келажаги буюк, болалари бахтиёр бўлади.

Ўлмасқон МИХЛИЕВА,
Сергеи туманидаги
599-сонли МТМ психологи

Муносабат

«Ishonch»га жавоб берадилар

Йўл келгуси ойда соланади



«Ishonch» газетасининг шу йил 26 январдаги сонидида «Қисқа йўлнинг узоқ ғавғоси» сарлавҳали мақола чоп этилган эди. Унга Қашқадарё вилояти Автомобиль йўллари ҳудудий бошқармасидан қўйидагича жавоб хати келди:

«Мақолада қайд этилган автомобиль йўли умум-фойдаланувдаги 4P95- «А380 автойўли – «Пўлоти қишлоғи – Шўрбозор қишлоғи» автомобиль йўли бўлиб, унинг 43-46 км. қисмидаги йўл асосига сел туфайли зарар етган. Мазкур автомобиль йўлини қайта таъмирлаш, қатнов қисмини тиклаш бўйича лойиҳа-смета ҳужжатлари ишлаб чиқилган бўлиб, ҳозирги кунда тупроқ ишлари ва йўл асосини қуриш ишлари якунланган.

2018 йилда вилоятда йўлбоп битум маҳсулоти танқис бўлгани сабабли қоплама қуриш ишлари бажарилмасдан қолди. Жорий йилнинг январь ойида ҳудудда яшовчи фуқаролар билан учрашган ҳолда мазкур автомобиль йўлининг асос қисми, яъни қум-шағал аралашмаси автогрейдер билан қайта текисланиб, транспорт воситалари ҳаракатида салбий таъсир кўрсатувчи ҳолатлар бартараф этилди.

Бундан ташқари, мазкур объект табиий офат оқибатларини бартараф этиш ва олдини олиш бўйича манзилли дастурга киртилган бўлиб, қоплама қуриш ишлари жорий йилнинг март ойида бажариб берилишини маълум қиламиз.»

Бошқарма бошлиғи

Б.РАҲИМОВ

Ўзбекистон касаба уюшмалари Федерациясининг Ўқув марказида Истеъмол товарлари ишлаб чиқариш, савдо ва хизмат кўрсатиш ташкилотлари ходимлари касаба уюшмаси Республика кенгашининг Ёшлар бирлашмаси Раёсати аъзолари малакасини ошириш, тизимда ёшлар сиёсати самарадорлигини таъминлаш мақсадида беш кун мобайнида ўқув машғулоти бўлиб ўтди.

Унда ЎзКУФК Ёшларга оид сиёсати Концепцияси, ижро интизоми ва ҳужжатлар билан ишлаш, тадбиркорлик фаолиятида шахслараро муносабатлар, ижтимоий шериклик, Бош келишув, тармоқ ҳудудий келишувлари ва жамоа шартномалари, психотреннинг машғулоти, жамоатчилик билан алоқалар – касаба уюшмалари фаолиятини ОАВда ёритиш, маънавий хавфсизлик масалалари, халқаро шартномаларнинг ҳуқуқий асослари, тизимда электрон ҳужжат айланиш тизимини жорий этиш, шунингдек, Президент Шавкат Мирзиёевнинг Олий Мажлисига Мурожаатномасида белгиланган устувор йўналишлар бўйича мутахассислар ҳамда профессор-ўқитувчилар томонидан маърузалар қилинди.

Дарс жараёнида қандай ўтгани, тингловчилар машғулотлар давомида қандай таассуротларга эга бўлгани билан қизиқдик.

– Утилган дарслар ичида психологик тренинг машғулоти жуда маъқул бўлди,



– дейди Хоразм вилоятидаги «Хоразм ипаги» МЧЖ меҳнат муҳофазаси муҳандиси Ҳамидбек Матсаидов. – Ишонда, ҳамкасблар орасида, умуман, иш жараёнида турли ҳолатларда психологик вазиятдан чиқиш, ходимлар билан мулоқот жараёнида юзага келадиган тушунмовчиликларнинг олдини олиш бўйича фойдали маслаҳатлар берилди.

– Касаба уюшмалари томонидан ёшларга қаратилаётган эътибор, соҳада фаолият юритаётган раҳбар ходимларнинг малакасини ошириш борасидаги ишлар эътирофга лойиқ, – дейди Сурхондарё вилояти Ангор туманидаги «Huashen silkworm pro» ҚҚМЧЖ директорининг ишлаб чиқариш бўйича ўринбосари, ка-

саба уюшма кўмитаси раиси Ҳасан Бердиев. – Дарсдан сўнг уюштирилаётган маданий тадбирлар, жумладан, Алишер Навоий номидаги Ўзбекистон миллий кутубхонаси, Ўзбекистон амалий санъат музейи ҳамда Олий Мажлис Қонунчилик палатасига экскурсиялар ҳар биримиз учун фойдали бўлди.

– Тошкентга бир ҳафталик ўқув машғулоти борасиз», деб айтишганида, тўғриси, хаёлимдан «зерикарли, вақт ўғирлайдиган ва ишдан қолдирадиган дарслар бўлса керак», деган фикр ўтганда, – дейди «Сирдарё матбуот хизмати» МЧЖ раҳбари Камолдин Ҳошимов. – Машғулотларда қатнашгач, амин бўлдимки, маъруза-

чиларнинг соҳага оид ҳаётий ва тажрибага асосланган маълумотлари касбий фаолиятим учун жуда зарур экан. Айниқса, Ички ишлар академияси профессори, юридик фанлар доктори Гулчеҳра Маткаримованинг маънавий хавфсизлик масалалари ва ахборий хуружлар мавзусидаги маърузаси менда катта таассурот қолдирди.

Бундан ташқари, ўқув машғулотида иштирок этган Қорақалпоғистон Республикаси Уй-жой коммунал хизмат кўрсатиш вазирлиги умумий бўлим бошлиғи Илҳом Ибрагимов касаба уюшмаларининг ёшлар сиёсатида доир Концепцияси доирасидаги асосий тушунчалар мазмун-моҳияти билан яқиндан танишгани ҳамда тизим доирасидаги муҳим жиҳатларни янада яхшироқ билиб олганини таъкидлади.

Сирасини айтганда, ҳар бир тингловчи маъруза ва экскурсиялар давомида олган таассуротлари билан ўртоқлашар экан: «Бу каби ўқув машғулоти ҳар йили ўтказилса яхши бўлар эди!», деган фикрни айтди. Шунинг ўзиёқ ўқув машғулотида қўзланган мақсадга эришилганини исботлайди.

Ўқув машғулоти якунида ўтилган мавзулар юзасидан тест усулида имтиҳон олиниб, унинг натижаларига кўра тингловчиларга ЎзКУФК ўқув марказининг гувоҳномалари топширилади.

Аъзам АБУЛҲАЙЗОВ,
«Ishonch» мухбири

Ҳар йили ўтказилса...

Ўқув

Хоразм вилояти

«Урганч текс» масъулияти чекланган жамиятида жамоа шартномасининг 2018 йилда бажарилиши якунлари ҳамда 2019 – 2021 йиллар учун жамоа шартномасини тасдиқлашга бағишланган йиғилиш бўлиб ўтди.

Жамоа шартномаси нима берди?



Унда «Урганч текс» МЧЖ директори Санжар Аминов ва бошланғич касаба уюшма кўмитаси раиси Санобар Исқандаровнинг ҳисоботи тингланди.

Ушбу корхонада 178 нафар касаба уюшма аъзоси бўлиб, уларнинг 154 нафарини хотин-қизлар, 59 нафарини касб-хунар коллежини янги тамомлаган ёшлар ташкил этади. Таъкидлаш жоизки, маъмурият ва касаба уюшмаси ҳамкорлигида жамоа шартномасига киритилган барча бандлар ижроси таъминланишига эришилди. Ходимларга бехатар, қулай иш ва дам олиш шароитлари яратиб берилаётгани ҳам таҳсинга лойиқ. Бепул тушлик, сут-қатиқ бериш ва транспорт қатнови йўлга қўйилган. Махсус кийим ва ҳимоя воситалари билан ўз вақтида таъминланмоқда. Ходимлар ҳар йили иш беришчи ҳисобидан тиббий кўрикдан ўтказилапти. Спорт анжумалари билан таъминланган махсус хона улар хизматида. Ишлаб чиқаришда кейинги 3 йилда бахтсиз ҳодиса рўй бермади. Касб касаллигининг олдини олиш чоралари мунтазам қўрилмоқда. Касаба уюшмаси томонидан ўтган йили Бухоро шаҳрига саёҳат ташкил қилинди, театр томошаларига чипталар олиб берилди, ходимларни санаторийларда, болаларни оромгоҳларда соғломлаштириш чоралари қўрилди. Айтиллик,

Мухаббат Тўрабоева,
«Ishonch» мухбири

Сарҳисоб

Самарқанд вилояти

«Рухий куч-қувват олдиқ»

– Саёҳат руҳиятга ҳам, кайфиятга ҳам ўзгача ҳузур бағишлайди, – дейди хоразмлик ўқитувчи, собиқ байналмилалчи жангчи Кенжа Абдуллаев. – Бухоро сафаридан сўнг Самарқандга етиб келдик. Тармоқ касаба уюшмаси Республика кенгаши, «Касаба сайр» шўъба корхонаси томонидан ташкил этилган мазкур саёҳат бизга нуқулмас таассурот улашмоқда.

Саёҳатчилар зиёратни Имом ал-Бухорий ёдгорлик мажмуасидан бошлашди.

– Ислом оламида машҳур алома, ҳадис илми султони бўлмиш буюк бобокалонимиз мангу кўним топган маскан бизга чексиз руҳий куч-қувват бағишлади, – дейди Ҳазорасп туманидаги 2-умумтаълим мактаби директори ўринбосари Ғайрат Абдурахимов. – Очиғи, сафарда бирга ҳамроҳлик қилаётган ҳамкасбларимизнинг кўпчилиги бу маконда илк бор бўлиши. Касаба уюшмаси бизга шундай шароитни яратиб берганидан хурсандимиз.

– Хартанг қишлоғидаги ўзгарилар, ҳадис илми маркази, ҳадис мактаби ва музей ҳақида маълумотга эга бўлсак-да, у билан яқиндан таниш эмас эдик, – дейди Хонқа туманидаги 22-умумтаълим мактаби ўқитувчиси Одилбек Қаландаров. – Шуниси бор ҳақиқатки, биз ўқув-

римизнинг кўпчилиги бу маконда илк бор бўлиши. Касаба уюшмаси бизга шундай шароитни яратиб берганидан хурсандимиз.

– Хартанг қишлоғидаги ўзгарилар, ҳадис илми маркази, ҳадис мактаби ва музей ҳақида маълумотга эга бўлсак-да, у билан яқиндан таниш эмас эдик, – дейди Хонқа туманидаги 22-умумтаълим мактаби ўқитувчиси Одилбек Қаландаров. – Шуниси бор ҳақиқатки, биз ўқув-



чиларимизга ўзимиз кўрмаган ҳолатни ҳеч маҳал жонли, ишонarli қилиб ҳикоя қилиб бера олмаймиз. Шу маънода ушбу сафарнинг аҳамияти ўзгача.

Меҳмонлар Ҳўжа Дониёр зиёратгоҳи, Мирзо Улуғбек расадхонаси, Шоҳи Зинда ёд-

горлик мажмуаси, Регистон майдони, Амир Темури макбараси, Ислом Каримов ёдгорлик мажмуаси ва шаҳардаги бунёдкорлик ишлари билан ҳам танишилди.

Нурилла ШАМСИЕВ,
«Ishonch» мухбири

Фарғона вилояти

Қонунга зид буйруқ бекор қилинди

Фарғона вилояти касаба уюшма ташкилотлари бирлашмаси ҳуқуқшунослари Ислом Каримов номидаги вилоят театр-концерт саройининг хўжалик ишлари бўйича директор ўринбосари лавозимида ишлаб келган Ҳусниддин Йўлдошевнинг вазифасидан ноқонуний равишда озод қилингани ҳақидаги айлдосини ўрганиб чиқишди.

Маълум бўлишича, 2014 йилнинг 1 декабрдан театр-концерт саройининг хўжалик ишлари бўйича директор ўринбосари лавозимига тайинланган Ҳ.Йўлдошев 2018 йилнинг 22 май кунига қадар ушбу вазифада ишлаб келган.

Ўрганиш натижасида Ўзбекистон Республикаси маданият вазирининг 2018

йил 22 майдаги буйруғи билан театр-концерт саройининг хўжалик ишлари бўйича директор ўринбосари лавозимига Азизбек Ҳайдаров тайинланиб, Ҳусниддин Йўлдошев асоссиз равишда ишдан четлаштирилди. Бу эса Меҳнат кодексининг 9-, 82-, 113-, 275-моддалари талабларининг бузилиши ҳисобланади.

Бирлашма ҳуқуқшунослари томонидан Маданият вазирининг 2018 йил 22 майдаги буйруғи амалдаги меҳнат қонунчилиги талабларига зидлиги ҳамда йўл қўйилган хато ва камчиликларни бартараф этиш ва ушбу буйруқни бекор қилиб, Ҳ.Йўлдошевни ўз лавозимига ишга тиклаш бўйича тақдимнома киритилди.

Мазкур тақдимнома Маданият вазирилик томонидан кўриб чиқилиб, Ҳ.Йўлдошев ўз лавозимига қайта тикланди.

Авазхон Тўраҳўжаев,
Фарғона вилояти касаба уюшма ташкилотлари бирлашмаси кенгаши юридик бўлими етакчи юристконсулти

Касаба уюшмаси аралашгач...



«КЎЧАЁТГАН МУЗ»

ёхуд Қўшработ шифокорларни чорламоқда

1 Изланувчан раҳбарнинг ташаббуси билан шифохона ҳудудида 2 та иссиқхона фаолияти йўлга қўйилди. Улар касалхонани турли кўкат ва мевалар билан таъминлаш баробарида қўшимча даромад келтирмоқда. Бундан ташқари, шифохона қошидаги сартароҳона ва новвойхона ҳам кам-кўст харажатларни қоплаётти. Шу тарихи шароит яхшиланмоқда.

Энг муҳими, кадрлар муаммосини ҳал этиш борасида ҳам ўзгаришлар бор. Ўтган йили 16 нафар тиббиёт олийгоҳларининг битирувчилари туманда иш бошлади. Иш берувчи ташаббуси билан 5 нафар стоматолог, 2 нафар клиник лаборант, 5 нафар врач мутахассис ва 2 нафар олий маълумотли ҳамшира билан меҳнат шартномалари имзоланган. Хуллас, ҳар тугул, «муз жойидан кўчяпти».

«ТЕЗ ЁРДАМ» – ҲАҚИҚИЙ ЁРДАМ

«Тез тиббий» ёрдам хизмати қишлоқларда яшовчи аҳоли учун қутулмаган янгилик бўлди. Тўғриси, илгари бирор-бир фавқулодда ҳолат юз бермаса, махсус белги ўрнатилган машиналар сира кўзга кўринмас эди. Ҳаттоки, айримлар бундай автотранспортнинг онда-сонда пайдо бўлишини бирор кўнгилсизликдан дарак сифатида тушунарди.

— Онам хаста. Тиббий хизматга катта эҳтиёж сезамиз, — дейди Тувадоқ қишлоғида яшовчи Фарҳод Эшонқулов. — Ростки, қишлоғимизда «Тез тиббий ёрдам» машиналарининг пайдо бўлишини кўпчилик вақтинчалик ҳолат деб ўйлаган эди. Йўқ, улар адашган экан. Чақирқидан сўнг 15 дақиқа ораллиғида «Тез ёрдам» етиб келаётти. Хизмат беминанат. Барча дори воситалари билан таъминланган.

Тиббиёт бирлашмаси мутахассиси Мустафо Сирлибоевнинг эътирофи эйтишча, туманда 3 та «Тез тиббий ёрдам» шохобчаси бўлган. Улар маълум масофадаги аҳолигагина хизмат кўрсатган, холос. Ҳукумат қарори билан ташкил этилган янги 10 та шохобча қарийб 130 минг нафар аҳолига хизмат кўрсатмоқда.

— Қишлоғимиз туман марказидан 60 километр олдига жойлашган, — дейди Тоз қишлоғида яшовчи Ғулом Ботиров. — Биров дард чекса, шунча йўлга ўзи транспорт ёллаб борар эди. Сари-дармонни-ку қўя туринг, пул дарфламасинг шифохонага ҳам етиб ололмасдинг. Қишлоғимизда «Тез тиббий ёрдам» шохобчасининг очилиши байрамга айланиб кетди. Давлатимиз гамхўрлигини чин дилдан ҳис этилмоқда.

ҚИШЛОҚ ШИФОКОРИНИНГ ОРЗУСИ

— Мутахассис етишмагани учун ўн йилга яқин мuddат иккита қишлоқ

врачлик пунктини бошқардим, — дейди «Қовунчи» ҚВП мудирини Иноят Аракаев. — Қишлоқлар орасидаги масофа 30 километрга тенг эди. Қийналса-да бурчимизни астойдил бажаришга ҳаракат қилганмиз.

Иноят ака аҳоли кўмағида ўзи раҳбарлик қилаётган ҚВПга қувур орқали тоғдаги булоқ сувини тортиб келиб, ён-атрофни ободонлаштирди. Тажрибали шифокор пой-пиёда юриб бўлса-да, иккита маҳалла аҳолисига баҳоли қудрат хизмат қилаяпти.

Шифокорнинг фикрича, «Қовунчи» ва «Қоратош» ҚВПлари бир замонлар қурилиб, мослаштирилган биноларда жойлашган. Бу биноларда малакали хизмат кўрсатиш учун мутлақо шарт-шароит йўқ.

— Икки маҳаллани туташтирган катта йўл ёқасидан замонавий оилавий поликлиника қуришга эҳтиёж бор, — дейди Иноят Аракаев. — Бу ҳақда мутасадди ташкилотларга ўз таклифларимизни етказганмиз. Ҳозирча натижа бўлгани йўқ. Лекин бу ишининг амалга ошишига кўзим етади.

ҚАРОР ИЖРОСИ ТАЪМИНЛАНМОҚДА

Давлатимиз раҳбари ўтган йилнинг декабрь ойида «Ўзбекистон Республикаси Соғлиқни сақлаш вазирлиги тизимини ташкил этиш чора-тадбирлари тўғрисида»ги қарорига имзо чеккан эди. Таъкидлаш жоизки, мазкур қарор ижросини таъминлашга Қўшработда катта эътибор берилмоқда. Оила саломатлиги, оналик ва болаликни муҳофаза қилиш, касалликлар профилактикаси, патронаж ва уйма-уй юриш бўйича амалга оширилаётган ишлар дастлабки, самараларини бера бошлади. 180 нафар патронаж ҳамшираларига тўлиқ тиббий анжомлар олиб берилгани 300 нафар ҳодим мобил алоқа воситалари билан таъминланиб, локал ахборот алмасув тизими яратилгани шулар жумласидандир.

«Тоз», «Оқчопсой», «Чиммос» ҚВПлари, туман тиббиёт бирлашмаси маъмурияти, туман ДСЭНМ ва унинг Жўш филиали янги бинолари қурилиши учун харажатлар лойиҳаси тайёр. Тез орада қурилиш ишлари бошланса, ажаб эмас. Қолаверса, бир қатор тиббий муассасаларга қўшимча бинолар қуриш режалаштирилмоқда. Булар қўшработлик тиббиёт ходимларининг аста-секинлик билан бўлса-да, муаммоларга ечим топаётганидан далолатдир.



Нурилла ШАМСИЕВ «Ishonch»

Худойберди Тўхтабоев. Бу инсоннинг номи тилга олинган ҳамон қайта-қайта севиб мутолаа қилганимиз «Сариқ девни миниб» асари кўз олдимизга келади. Юзимизга кўлгу иниб, болалик хотираларига ғарқ бўламиз. Бу буюк адиб айна пайтда 90 ёш остонасида бўлса-да, ижодда фаол, китоблари пешма-пеш нашр қилинмоқда. Хўш, бунинг сири нимада?

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида, «Чўлпон» нашриёт-матбаа ижодий уйида чоп этилган адибнинг бир эмас, икки эмас, нақ бешта китоби бўйича ўтказилган тақдиротда шу саволга жавоб топгандек бўлдик.

БУ ҚАНДАЙ АСАРЛАР?

«Тағоб қишлоқ эртақлари» адибнинг янги асари бўлиб, уни «Жаннати одамлар» романининг узвий давоми дейиш мумкин. Чунки ҳар иккала асарда ҳам ёзувчи ўз болалик хотираларидан сўз очади.

«Шириин қовунлар мамлақати» эса бугунга қадар ўзбек болалар адабиётининг энг сара намуналаридан бири ҳисобланади.

нақл бор. Бошқа юрт оталари ёзган эртақларни ўзбек оталари дўхондан сотиб олса, биз, адибларга уят-да ахир!

Шунингдек, ёзувчи 5 йил давомида Ёзувчилар уюшмасининг болалар адабиёти бўйича кенгашларида қатнашгани, ҳар йилги матбуотда эълон қилинган, китоб ҳолида чоп этилган асарлар сарҳисобига кўра, шу йилларда болалар

Тўхтабоевнинг сири



собранади. Ундаги қизиқ саргузаштлар, фантастик воқеалар, рамзий ифодалар ва образлилик ўқувчи дунёқарашини кенгайтиради, яхшиликка ундайди.

«Уч сайёҳнинг сафари» китоби болаларга бағишланган кичик-кичик ибратли ривоятлардан иборат тўпلام бўлиб, қизиқарли ва содда услубда баён этилгани билан кишини ўзига тортади.


«Донишманд бобо эртақлари»да тарихий ривоятлар, қисса ва ҳикоялар бугунги замон тилига мослаб, эртақ шаклида талқин этилади. Китобдан муаллифнинг ўзи туққан янги эртақлари ҳам жой олган.

«Сир очилди»га болаликнинг беғубор туйғулари, орзу-умидлари, хаёл-параслиги, шўхликлари акс этган бир нечта ҳикоялар киритилган. Улар болалар онгига меҳнатсеварлик, мардлик, фаоллик, тўғрисиқлик, меҳрибонлик каби инсоний фазилатларни сингдиришга хизмат қилади.

Адибнинг юқорида санаб ўтилган китобларига жо бўлган саргузаштлар, болалар кечинмалари ҳаммага таниш ва ҳаётий акс этгани учун ҳам ўқувчи қаҳрамонлар билан даррлашадиган, кулса кулиб, йиғласа йиғлайди. Бутунлай асар ичига шўнғиб кетади.

«БИРОВНИНГ БОЛАСИНИ БИРОВНИНГ ОТАСИ ТАРБИЯЛАМАСИН»

— Тарбиянинг асосий воситаси бу — китоб, — деди семимли ёзувчимиз. — Болалик адабиёти намуналари эса, афсуски, ҳозир ҳам жуда кам. Балки шунинг учунми, юртимиздаги 150 дан ортиқ нашриёт чет эл эртақларини босиб, ота-оналар қўлига тутқизяпти. Тўғри, уларни ҳам ўқиб керак, лекин адабиётимиз жиливини 100 фоиз уларга бериб қўйиш тўғри эмас. «Бировнинг боласини бировнинг отаси тарбияламасин» деган



адабиётининг 95 фоизини эса насрий ижод намуналари ташкил этганига уфру берди. Болалар ёзувчиларининг фаолроқ бўлишга чақириб, уларга «Агар мошинангиз бўлса, сотинг-да, пулини болаларга китоб ёзишга сарфланг», деган бўлардим деди.

«ҚАСОСКОРНИНГ ОЛТИН БОШИ» СЕРИАЛ БЎЛАДИМИ?

— Худойберди Тўхтабоевнинг «Қасоскорнинг олтин боши» романида озодлик учун курашган халқ қаҳрамони ҳақида ҳикоя қилинади. Шу ўринда киночиларимизга бир таклифни бермоқчи эдим. Яъни ушбу асар асосида тарихий мавзудаги 100 қисмли сериал ишлаш мумкин, — деди тадбирда адабиётшунос олим Умарали Норматов. — У телевидение орқали намойиш этилса, кенг томошабинлар, болаларимиз учун ҳақиқий ибрат мактаби бўларди.

ЭРТАККА КЎЧМАН БУГУН

— Афсоналар, ҳикматларни йиғиб юрганман, — деди адиб. — Булар кундалик дафтаримда кўп экан. Шуларни тўпладим-да ҳар биттаси ҳақида эртақ ёздим. Шундай қилиб 42 та эртақ дунёга келди. Уларга адабиётшунос Омонулла Мадаев сўзбоши ёзиб берди. «Бугунги кунни эртақка кўчирибсиз, зўр услуб топибсиз», деди. Барчасини болаларга мўлжалланган газета-журналлар тинимсиз эълон қилиб борди.

«Кўёнлар салтанати» романим тез-

Адабиёт – тарбиянинг муҳим қуроли

тез босилапти. Шунинг билан оламга кўчирсам қандай бўларкан, дея ўйладим. Ўзим болаликда кўен боққанман. Бу «Сир очилди» қиссаси яратилишига сабаб бўлди.

Шу ўринда айтишим лозимки, айна пайтда яратилаётган катта имкониятлардан руҳ олиб, тенгқурларим ва ёшлар қаторида бугунги куннинг ашуласини айтиб юрибман. Кўноқ, дилбар ва қувончларга тўла ашулани болажонлар билан бирга айтиб юришга не етсин!

Шу ёшимдаям одамлар тинч қўйишмаяпти. Навбатдагиси қачон бўлади, деб сўрашмоқда. Айна пайтда катта бир романи бошлаганман. «Пешонасига телевизор ёпишган боланинг саргузаштлари» номли китоб ёзган эдим. Энди «Компьютер ичидаги бола» номли янги асар ёзилапти».

САБОҚ МАНБАИ

— Худойберди Тўхтабоевнинг ижоди болаларимизга сабоқ манбаидир. Улар-

дан олам ва одам ҳақидаги ўзларининг илк тушунчаларини шакллантириб, келажак ҳақидаги орзу-хаёлларини яна бир парда кўтариб олишади. Даврнинг уриб турган юрагини бутун борича ҳис эттириб, ҳар бир ҳолатни қуқур тушунтириш билан бирга, келажакка қўядиган қадамлари учун катта бир йўналиш бўлади, — дейди болалар шоири Дилшод Ражаб.


НАШРИЁТНИНГ КЕЛГУСИ РЕЖАСИ ҲАМ ЧЕТДА ҚОЛМАДИ

— Тақдирот сабаб нашриётнинг жорий йилги режасига ҳам тўхталсам, — деди «Чўлпон» НМИУ бош муҳаррири Даврон Улуғмуродов. — 150 га яқин бадиий адабиётларни чоп этишни режалаштиривамиз. Уларнинг 90 фоизи илк марта нашр қилинадиган китоблар бўлади. Энг катта лойиҳаларимиздан бири, бу «Ўзбек болалар адабиёти олтин фондидан» серияси остидаги китоблардир. Ундан болаларнинг семимли ёзувчи, шоирлари Пулат Мўмин, Қуддус Муҳаммадийдан тортиб, бугунги кунда самарали ижод қилиб келаётган Худойберди Тўхтабоев, Анвар Обиджон каби ижодкорларнинг энг сара асарлари совгабоп китоблар кўринишида ўрин олади.

Чоп этаётган китобларимизнинг асосан Тошкент шаҳрида қолиб кетаётганини ҳисобга олган ҳолда, баҳорнинг илк ойдан республикамизнинг чекка ҳудудлари бўйлаб ёзувчи ва шоирлар иштирокида «Чўлпон нашриёти кунлари»ни ўтказишни бошлаймиз.

АДАБИЁТНИНГ КУЧИ

Болалар адабиёти тарбиянинг энг муҳим қуролидир. Ёшлиқдан эртақлар эшитиб, китоб ўқиб катта бўлган инсондан асло ёмонлик чиқмайди. Айнақча, бу эртақлар-у ҳикоя-қиссалар ўзимизники бўлса, яъни унда ўз менталитетимиз, ўзгилгимиз акс этса, бу тенги йўқ хазинадир. Мутолаа қилган борки, фақат ва фақат эзгу ишлар қилиб, ўзгалардан ёрдамни аямасликни ўйлайди. Ҳаётнинг, яшашнинг асл маъносини теран илғайди ва яхши ном қолдириш учун интилади...



Салим АБДУРАХМОНОВ «Ishonch»

Эълонлар

«TASHKENT REALTOR SERVICE» МЧЖ

бошлангич баҳоси босқичма-босқич ошиб бориши тартибидан ўтказиладиган очиқ аукцион савдосига таклиф этади!

Аукцион савдосига Ўзбекистон Республикаси Ташқи иқтисодий фаолият миллий банкнинг 11.02.2019 йилдаги №АК-1424/15-сонли бюртманомасига асосан Тошкент шаҳри, Навоий кўчаси, 35-уй манзилида жойлашган, умумий майдони 2175 кв.м. бўлган (Б-блок) «Савдо, маиший хизмат кўрсатиш ва умумий овқатланиш мажмуаси» (Ертўла, 1 ва 2 қават) қўйилмоқда.

Бошлангич баҳоси – 11 497 100 000 сўм.

Аукцион ғолиби объект учун 100 фоиз тўловни сотувчи билан олди-соти шартномаси имзоланган санадан бошлаб 60 кун ичида амалга ошириши лозим.

Аукцион савдоси 2019 йил 18 март кунни соат 11:00 да Тошкент шаҳри, Миробод тумани, Авлиё ота кўчаси, 13 уйда бўлиб ўтади.

Талабдорлардан бюртманомалар қабул қилиш ёнлар кундан кундан бошлаб расмий иш кунлари соат 9:00 дан 16:00 гача Тошкент шаҳри, Миробод тумани, Авлиё ота кўчаси, 13-уй манзилида қабул қилинади ва савдодан бир кун олдин соат 18:00 да тўхтатилади.

сотишмай қолган тақдирда такрорий аукцион савдоси 2019 йилнинг 25 март, 1, 8 апрель кунлари соат 11:00 да бўлиб ўтади ва такрорий савдолар учун бюртманомалар қабул қилиш савдодан бир кун олдин, соат 16:00 да тўхтатилади.

Аукцион савдосида иштирок этиш истатгани билдирган шахслар «Закалат пули тўғрисидаги қелишувни» имзолангандан сўнг объект бошлангич баҳосининг 15 фоизидан кам бўлмаган миқдордаги закалат пулини «TASHKENT REALTOR SERVICE» МЧЖнинг ҳисобрақамига («Ипак йўли» АИТБ Тошкент шаҳар Миробод филиали, х/р: 20208000804876496001, МФО: 01101, СТИР: 301743808) тўлашлари лозим.

Ҳужжатларни расмийлаштириш ва рўйхатдан ўтказишда зарур бўладиган давлат божни (шу жумладан, нотариал тасдиқлаш), аукцион ташкилотчисига тўланадиган комиссия тўловлар, аукцион ташкилотчисининг аукционни ташкиллаштириш ва ўтказиш билан боғлиқ харажатлари ҳамда юзага келадиган бошқа харажатлар харидор маблағлари ҳисобидан амалга оширилади.

Шунингдек, Риэлторлик хизматларининг миллий стандарти (2-сон РХМС)

га асосан талабдорларга кўчмас мулк бозорига ахборот ва маълумот хизматлари кўрсатилади ҳамда риэлторлик хизматларини кўрсатиш бўйича шартномалар тузилади.

Аукцион савдосида қатнашиш учун талабдорлар куйидаги ҳужжатларни топшириши керак:

— юридик шахслар учун — давлат рўйхатидан ўтказилганлик тўғрисидаги гувоҳномадан нусخаси, ишончли вакил иштирок этганида қонун ҳужжатларида белгиланган тартибда расмийлаштирилган ишончнома ва унинг шахсини тасдиқлайдиган ҳужжат нусхаси.

— жисмоний шахслар учун — паспорт нусхаси, ишончли вакил иштирок этганида қонун ҳужжатларида белгиланган тартибда расмийлаштирилган ишончнома ва унинг шахсини тасдиқлайдиган ҳужжат нусхаси.

— закалат пули тўланганлигини тасдиқлайдиган ҳужжат нусхаси;
Қўшимча маълумотларни realtorservice@mail.ru ва (95) 170-78-13 телефон рақами орқали олишингиз мумкин. Лицензия 008
Хизматлар лицензияланган.

Ҳурматли ишбилармон ва тадбиркорлар!

«Кўп тармоқли ихтисослаштирилган аукцион савдо» (КТИАС) МЧЖ аукцион савдоларини ташкил қилиш корхонаси бошлангич баҳоси босқичма-босқич ошиб бориши тартибидан ўтказиладиган очиқ кимошди савдосига таклиф этади!

Очиқ кимошди савдосига Ўзбекистон Республикаси Ички ишлар вазирлиги Молия ва моддий-техника таъминоти бош бошқармаси Хўжалик бошқармасига қарашли бўлган куйидаги автотранспорт воситаси қўйилмоқда:
1993 йилда ишлаб чиқарилган давлат белгиси 01 370 VSB бўлган «Мерседес Бенц» русумли (носо) (двигатель ва ходовой қисмлари носоз ҳолатда) автотранспорт воситаси.
Бошлангич баҳоси – 50 937 012 сўм.

Аукцион савдолари 2019 йилнинг 19, 26, март ва 9 апрель кунларини соат 11:00 да Тошкент шаҳри, Олмазор тумани, Беруний кўчаси, 83-уйда жойлашган 311-хонада бўлиб ўтади.

2019 йил 19 март кунги аукцион савдоларида мазкур автотранспорт воситалари сотилиши қолган тақдирда, эълонда кўрсатилган кейинги белгиланган савдо кунларида ўтказилишини маълум қиламиз.
Талабдорлар савдода қатнашиш учун юзага келадиган барча харажатларни ўз ҳисобидан амалга оширадилар.
Ушбу савдоларда қатнашиш учун талабдорлар мулк бошлангич баҳосининг 10 фоизидан кам бўлмаган миқдорда закалат пулини ҳар бир мулк учун алоҳида тартибда КТИАСнинг ҳисобрақамига (АИТБ «Ипотека банк» Шайхонтоҳур филиали, х/р:20208000904929477001, МФО: 00425, ИНН: 302074183, ОКОНХ: 83200) тўлашлари шарт.

Аукцион савдоларида иштирок этиш учун талабдорлардан ариза ва бошқа тегишли ҳужжатларни қабул қилиш расмий иш кунлари соат 9:30 дан 16:00 гача қабул қилинади.
Аукцион савдоларида иштирок этиш учун талабдорлардан ариза ва бошқа тегишли ҳужжатларни қабул қилиш кимошди савдоси ўтказилишига бир иш кунни қолганда тўхтатилади.

Мурожаат учун манзил: Тошкент шаҳри, Олмазор тумани, Беруний кўчаси, 83-уй. Телефонлар: 71 249-54-59. Веб сайт: ktias.uz.
Хизматлар лицензияланган

ТДНОИ қошидаги Академик лицей томонидан 2009 йилда Караматов Асрорбек Абдифафорович номига берилган диплом ва диплом иловаси йўқолгани сабабли бекор қилинади.
Тошкент вилояти, Янгийўл шаҳри, Тошкент шоҳ кўчаси, 54-уй, 38-хонадон учун берилган Камилова Жамила Акрамбаевнага тегишли кадастр ҳужжатлари йўқолганлиги сабабли бекор қилинади.

Ён дафтардан



БУТУН ЁЛҒОНДАН СИНИҚ РОСТ АФЗАЛ
Бирон воқеа ёки ҳодиса ҳақидаги аксарият гапларнинг ростиғига шубҳа бўлмаса, дарҳол қабул қилинг, акс ҳолда, кейин ёлғонга ўтиб кетишади.

ИШОНЧ
Идорамизнинг биллими ва тажрибали раҳбари пенсияга кетиши олдидан уюштирилган маросимда шундай деди: «Бу идора мендан аввал ҳам яхши ишлаган, мен билан ҳам яхши ишлади, ишонмананки, мендан кейин янада яхшироқ ишлайди».

ҲАММАНИНГ ЎЗ ЎРНИ БОР
Ҳаётда ҳаммининг ўзига яраша вазифаси бўлади: ҳеч бўлмаганда қишлоғингиздаги доя момони ёки ғассол бувани эсланг.

АЛАНГАСИЗ ҒОЯ
Тутаётган ўтиндан олов чиқариш қийин бўлганидек, тутуруқсиз ғоядан илм чиқиши ҳам мушкул.

ХАЙРИЯТ
Мен адашдим, сен адашдинг, аммо у адашмади.

АЁЛ ТАФТИ
Чиройли аёл қаршисидан эркак кишининг аввал юраги, кейин чўнтаги эрийди.

АҚИДА
Пул қўлнинг кири деган ақидага кўр-кўрона амал қилувчилар қўларини совунлаб ювишга шошилмайдилар.

ОДДИЙЛИК ФАЛСАФИ
Қисса: Бир боланинг ҳовучлаб сув ичаётганини кўрган файласуф Диоген халтасидан пиёласини олдида: «Бола оддийлик бобида мендан ҳам ўзиб кетади», — деб ташлаб юборди.

Қиссадан ҳисса: Оддийлик инсонни мукамалликка элтувчи муҳим фазилатлардан биридир. Лекин шунинг эсда тутмоқ лозимки, ҳаётда оддийликка эришиш, уни бирдай ушлаб туриш оддий иш эмас.

ҲАММА ГАП ЎЗИМИЗДА
Ўзимиз кеч қолмасак бўлди — қолганлар вақтида етиб келадилар.

БАРАКАТ – ҲАРАКАТДА
Тўғри, Аллоҳнинг: «Сўра, бераман» деган жойи бор. Аммо, фақат илтижо орқали ишим юришади деб ўйловчилар хато қиладилар.

ОЛИМ
Илм тўпламоқ ва улашмоқ, Илмни янада тўлдирмоқ ва қайтадан улашмоқ, Шунинг учун уларни олим дейдилар.

Мухаммад ТОШБОЛАЕВ, профессор

Самарқанд вилояти қасаба уюшма ташкилотлари бирлашмаси ҳамда тармоқ қасаба уюшма кенгашлари Самарқанд вилояти геологлар фахрийлар кенгаши раиси, геология-минерология фанлари доктори ҲАКИМЖОН ТИЛЛАЕВнинг вафоти муносабати билан марҳумнинг оила аъзоларига чуқур ҳамдардлик билдиради.

Ўзбекистон Журналистлари ижодий уюшмаси уюшма аъзоси, телерадио-журналистика фахрийси, Ўзбекистонда хизмат кўрсатган маданият ходими Ганжа ЁҚУБОВНИНГ вафоти муносабати билан марҳумнинг оила аъзоларига чуқур таъзия билдиради.

Кўнгилга сайр
Сайёра ТҮЙЧИЕВА –
 Ўзбекистон Ёзувчилар уюшмаси аъзоси, «Вафо бўлиб уйғонаман», «Мен сени қизғонаман», «Кўзларингни соғинаман», «Элим», «Санамгина», «Сулганим сўз бўлди» номли шеърлар, «Буёқ инсон бошлаган йўл», «Мунавар замин», «Ифтикор», «Водийларни яёв кезганда» номли насрий асарлар муаллифи.



Ватансиз жон, жаҳон қайда

АТИРГУЛЛАР
 Муҳаббатинг, меҳрингни кўшиб, ҳеч қим билмас сирингни кўшиб, Юрак тофтинг, нуринами кўшиб, Атиргуллар келтиргин менга.
 Кўзларингда ёнсин муҳаббат, Ҳижронлардан тонсин муҳаббат, Янгидан уйғонсин муҳаббат, Атиргуллар келтиргин менга.
 Номанг келди, сендан йўқ дарак, Йулларингда бўлдим жонсарак, Кўнгли юмшоқ, лекин жонсарак, Атиргуллар келтиргин менга.
 Ҳаёт асли катта имтиҳон, Ташвишлардан чарчади-ку жон, Раҳмлариндан ясаб кўзғолон Атиргуллар келтиргин менга.
 Саробларга гоҳи кўз тикдим, Ё чарчадим, ёки кўзикдим, Ишон, сенга жуда ичкидим, Атиргуллар келтиргин менга.
 Дунё бир ён, бир ёндадурсан, Боқсам қибла томондурсан, Магар жоним, Тошкандадурсан, Атиргуллар келтиргин менга.

ЎЗБЕКИСТОН
 Бир йўлимга ўн қараган,
 Ўн қараган, минг қараган,
 Менга мол-у дунё эмас,
 Фақат толе, бахт сўраган-
 Онамсан, Ўзбекистон.

Уч садафим, уч мунчоғим,
 Кўзи чақнар кўзунчоғим,
 Онамжоним деб йўғлайди-
 У дунёга кетар чоғим,
 Боламсан, Ўзбекистон!

Ватансиз жон, жаҳон қайда,
 Тинч ер-у тинч осмон қайда,
 Ўзбеклар кўп ҳамма жойда –
 Фақат Ўзбекистон қайда –
 Жонимсан, Ўзбекистон!

МЕНИНГ УМРИМ
 Менинг умрим йўлдан иборат,
 Ўзбекортнинг бекавларида,
 Бола кўнглим шодларан гоёт
 Яхшиларнинг суҳбатларида.

Оқ туғунни менга илиниб
 Жавадирайди онам тўйларда,
 Мен тонггача китоб титаман
 Уч хонали бетон уйларда.

Тонгги шудринг чечакларида
 Бажмасойга юзим ювмасан,
 Ойқортоғнинг этакларида
 Этак-этак ёнғоқ термасам.

Бир тандир нон ёниб беролмай
 Ёзганларим бори сафсата,
 Оёғингиз уқалаш учун
 Боролмайман вақт толиб Ота!

Укаларим, опадай бўлиб,
 Сувиқ бўлолмайдим уларга,
 Мен Тошкентда дастхат ёзаман
 Узимданам олифталарга.

Жоним синглим, сирдоним синглим,
 Сени десам рўҳим юксалар,
 Соғинчимни сенга элтади
 Сарик кўйлак кийган таксилар.

Ҳаловатдан, ҳузурдан тониб
 Сўз сеҳрига девона, мастман,
 Нодирадай ёниб, ёндириб
 Ёзолмасам, шыр эмасман.

Юрагимда сайрайди кўмри,
 Хонишалари ўтли, исенкор,
 Ҳар юракда Ватан кўрмасам
 Шоирман деб юрганми бекор.

Заколарнинг авлодиданман,
 Ухлатмайди илм-у зиелар,
 Ҳамид Олимжондай ёзмасам
 Ҳафа бўлар Шароф баболар.

Шеър ҳикматдир, илм-ибодат,
 Карвондирман қўллаб турган Ҳақ,
 Бўғдой исли шеърлар ёзсан деб-
 Тушларимга киради Жиззах,
 Тушларимга киради Жиззах,
 ТУШЛАРИМГА КИРАДИ ЖИЗЗАХ.

Мамлакатимиздаги энг кўп тармоққа эга, йирик ва универсал банклардан бири Халқ банки томонидан аҳоли ва юридик шахсларга барча турдаги хизматлар кўрсатилиб келинмоқда. Молия муассасасининг хизмат кўрсатишга креатив ёндашувлари ўзининг юксак самараларини бермоқда.
 Бўни Халқ банкнинг Тошкент шаҳар Амалиёт бўлимида банк тақдим этаётган хизмат турлари билан журналистларни таништириш учун ташкил этилган пресс-турда ҳам кўриш мумкин бўлди.



МИЖОЗЛАРГА ЯҚИНЛАШТИРУВЧИ КИТОБ
 Банк филиалида бугунги жаҳон андозаларига ва халқаро стандартлар талабига мос келадиган замонавий ва сифатли банк хизматлари кўрсатилмоқда. Молия муассасаси ўз мижозларига қўлайликлар яратиши, уларга тақдим этилаётган банк хизматлари ҳақида тўлиқ ва тушунарли тарзда маълумотлар билан таъминлаш мақсадида банк хизматлари акс эттирилган махсус китобча тайёрлади.

HALQ BANKI

Хизмат кўрсатишга креатив ёндашув

Халқ банки мижозларини мамнун этмоқда



Китобча жисмоний шахслар учун алоҳида, юридик шахслар учун алоҳида тайёрланган, банк хизматлари ҳақида маълумотлар оддий, содда ва тушунарли тарзда ёритилган. Шунингдек, қўшимча маълумотлар учун банк марказий аппаратининг тегишли таркибий бўлинмалари телефон рақамлари кўрсатиб ўтилган.
 Зеро, банкнинг асосий мақсади «Халқ ишончи ва фаровонлиги асосий мақсадимиз» шиори асосида ишлаш ва мижозлар ишончини оқлашдан иборат.

ХАЛҚ ХИЗМАТИДА
 Банкдан янги ҳисобрақам очган ҳўжалик юритувчи субъектлар учун «Мобиль банкинг» ҳамда «Интернет банкинг» хизматлари мулақо беғул.

ОРИТҚА ҚОҒОЗБОЗЛИКСИЗ
 Энг муҳими, Халқ банки мижозлари ҳисобрақамидоғи маблагларни банкнинг «Интернет банкинг» ва «Мобиль банкинг» хизматлари орқали банк иштирокисиз ўтказиш имконияти яратилди.
 Олдинлари бу каби амалиётлар банк филиали бош бухгалтер тасдиқлагандан сўнг ўтар эди.

БИЗНЕСИНГИЗ ЯНАДА ИШОНЧЛИ
 Халқ банки томонидан мижозлар учун ўз ҳисобрақамидоғи маблагларни Халқ банки мижозларига 24/7-режимда, узлуксиз, дам олиш кунлари ҳам ўтказиш имконияти яратилди.

ЧЕКСИЗ ИМКОНИЯТЛАР ЭШИГИ
 Яна бир янгилик, банк мижозлари энди «банкда ресурс йўқ» деган ҳолатларга дуч келишмайди.
 Яъни, мижоз ўз ҳисобрақамидоғи маблагларни исталган пайтда тасарруф этиши мумкин, Халқ банки мижози ресурс билан боғлиқ ҳеч қандай муаммога дуч келмайди.

Хусусий тадбиркор Наримон Аҳроровнинг айтишича, банкнинг ушбу имкониятлари мижознинг овозгарчилигини кескин камайтириб, қўлайлик яратмоқда.
 – Халқ банки яқинда, «24/7 Электрон офис»лар ташкил қилди, – дейди банк мижози, «Art Palitra» МЧЖ вакили Ҳамро Фатхуллаев. – Унда биз мижозларга ҳафтасига етти кун, кеча-ю кундуз хизмат кўрсатилади. Албатта, бу аҳолига ҳамда мамлакатимизга ташриф буюрган меҳмонларга қўшимча қўлайликлар яратди.

Пресс-тур давомида англанданимиз шуки, Халқ банки томонидан янгида амалиётга жорий этилаётган янги хизмат турлари замирида аҳоли ва банк мижозлари учун қўлайликлар яратиш мақсади мужассам. Энг муҳими, фаолиятга креатив ёндашувлар ўз самараларини бериб, мижозлар мамнунлигига сабаб бўлмоқда.
Давронбек ОРИПОВ,
 «Ishonch» мухбири

Эрта тонг. Уй бекаси ҳовлини сув селиб, супурди. Ошхона дезазаларини очиб, шамоллатди. Бу ерда бир пашша бор эди. Уни кўриб, жаҳли чиқди. Ҳайдай бошлади. Пашша қочди, очик деразадан чиқиб, дарвозага қўнди. Сўнг уйланиб қолди. Энди қаерга борсам экан? Бунинг устига қорни оч, бирон хонадонга кириб олмасам, қушларга ем бўлади. Шу онда у қўшни дарвозада бир пашшанинг ухлаётганини кўриб қолди. Ёнига учиб борди.
 – Эй қариндош, нима қилипсан, сени ҳам ҳайдаб юборишимми? – деди.

Қўшни пашша кўзларини эринибгина очди.
 – Кимсан, – деди. – Бунча озғинсан?
 – Очман, – деди пашша. – Ҳар куни овқат излайман. Хонадонимда ҳар куни артишади. Очликдан ота-онам, ака-ука, опа-сингилларим ўлиб кетишди. Ёлғиз ўзим қолдим. Агар аҳвол шундай давом этса, мен ҳам ўлиб кетсам керак.
 Унинг гапларига семиз пашшанинг раҳми келди:
 – Юр, бизникига, – деди. – Мен яшайдиган хонадонда пашшалар кўп. Уй эгалари ҳам жуда яхши одамлар. Овқат еб, дарҳол йиғштириб олишмайди. Эрта-

Ҳикмат излаганга
 лабки ёзилган дастурхон кечгача тураверди. Маза қиламиз. Ҳайдашмайди. Овқат қилаётган гўштарини музлаткичга ҳам солиш эсларидан чиқиб кетади. Яна де, ачиган мевалар, турли консервалар ҳам бор. Хуллас, бизникида овқат жуда кўп. Хоҳласанг, юр. Менга ўхшаб, роҳатда яшайсан.
 Икки пашша хурсанд бўлиб, ҳовлига киришди. Қўшни ҳовлида янги меҳмон шарафига пашшалар базми бошланди.
Саодат ФАХРИДДИНОВА